

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 181. sjedinici, održanoj dana 25.03.2019.godine, d o n o s i

ODLUKU

o izmjenama i dopunama Odluke o imenovanju radnog tijela za pripremu prijedloga JPP projekta

Član 1.

(Dopuna člana 1.)

U Odluci o imenovanju radnog tijela za pripremu prijedloga JPP projekata („Službene novine Zeničko-dobojskog kantona“, broj: 5/18) u članu 1. stav (1) mijenja se i glasi: „Imenuje se Radno tijelo za pripremu prijedloga projekata javno-privatnog partnerstva (u daljem tekstu JPP) i provođenje postupka izbora privatnog partnera i ugovaranje“.

Član 2.

(Izmjena člana 2.)

U članu 2. mijenja se tačka 1) i glasi: „ministar obrazovanja, nauke, kulture i sporta, po službenoj dužnosti“

Član 3.

(Dopuna člana 3.)

U članu 3. stav (2) dopunjuje se tačkom k) koja glasi: „Priprema i provođenje postupka izbora privatnog partnera, ugovaranje i izrada nacrtu ugovora“.

Član 4.

(Izmjena člana 4.)

U članu 4. stav (1) mijenja se i glasi: „Krajnji rok za realizaciju aktivnosti iz člana 3. Odluke je 30.06.2020.godine, koji je ujedno i rok za dostavu Izvještaja o provedenim aktivnostima i rezultatima Vlade Zeničko-dobojskog kantona“.

Član 5.

(Stupanje na snagu i objava)

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

Broj: 02-34-4823/19

Datum, 25.03.2019. godine

Zenica

PREMIJER

Miralem Galijašević

DOSTAVLJENO:

1x Ministarstvo za obrazovanje, nauku, kulturu i sport,

1x Ministarstvo za privredu,

1x Ministarstvo za prostorno uređenje, promet i komunikacije, i zaštitu okoline,

1x Ministarstvo finansija,

1x „Službene novine Zeničko-dobojskog kantona“,

1x a/a.